

師

律

師律卷之一下

吳橋范景文質公輯

兵制第一下

本朝

凡天下要害地方皆設官統兵鎮戍其總鎮一方者曰鎮守守一路者曰分守獨守一堡一城者曰守備與主將同守一城者曰協守又有提督提調巡視備禦領班備倭等名各因事異職焉其總鎮或掛將軍印或不掛印皆曰總兵次

師律

卷之一下

兵制

一

成祖英
主乃有
此舉其
有微意
乎
此永嘉
之大功

曰副總兵。又次曰叅將。又次曰遊擊將軍。舊於
公侯伯都督指揮等官內推舉克任其鎮守內
臣自永樂初出鎮遼東開原及山西等處自後
各邊以次添設而鎮守之下又有分守守備監
鎗諸內臣嘉靖十七年令鎮守內臣原不係
太祖定制次第裁革十八年盡數取回於是邊
政肅清軍民稱便。國初兵事專任武臣後以
文臣監督文臣重者曰總督次曰巡撫總督舊
稱軍門而巡撫近皆贊理軍務或提督詳都院

誌其按察司官整飭兵備者。或副使。或僉事。或以他官兼沿海者。稱海防道。兼分巡者。稱分巡道。兼管糧者。稱兵糧道。設京營。隸大元帥府。後改五軍都督府。以訓練在京官軍。永樂間。遷都。又於中都。大寧。山東。河南。附近衛所。摘撥官軍。輪班上操。以內衛京師。外備征伐。名曰三大營。景泰三年。分爲十營。成化三年。分爲十二團營。正德六年。更爲東西兩官廳。景泰初。選大營精銳官軍。分立十營團操。以備警急。調用。名曰團

營每管官軍一萬員名其提督及坐管掌號把
總等內外官員做大三管之制而命本部尚書
或都御史一員提督天順初罷八年復置成化
初罷三年復置分爲十二管十八年以邊警令
定撥官軍聽候調用自後又於團營選其精銳
爲聽征人馬屬之東西兩官廳嘉靖二十九年
罷團營兩官廳復祖制三管更三千管曰神
樞營其三管司哨掖等名及諸內圍俱裁革而
統以大將一員曰總督京營戎政廳給印曰戎

政之印佐以文臣一員曰協理京營戎政其下設副叅等官二十六員凡團營兩官廳之兵悉歸五軍營而寶燕令旗等項則仍隸神樞營遇用撥取燕恒名已又命以新募兵四萬人分隸神樞神機二營其副將各止設一員而增能戰之將六員分領操練大將所統三營之兵平日名練勇將用時各定職名令巡視京營科道通將公侯伯及都督等官嚴加考覈叅舉以憑從公推用三十一年奏准公侯伯年二十以上者

此儲將
遺意

不拘見任帶俸俱送本部酌量選用。定以協贊名色分撥各營副叅遊佐等官協同入營觀操。如遇將官調往宣大薊州等處亦卽隨營前去。察知地理夷情諳習戰陣許帶家丁十名仍與口糧馬匹料草官與廩給。四十二年議准在京五府新襲公侯伯未經管事年三十五以下及各爵應襲不拘年齒長幼俱送京營聽戎政文武大臣定以日期隨營較射仍授武經百將傳等書令其熟讀細講每人仍撥軍伴十名跟用。

先將收管姓名具奏。每歲終巡視京營科道列其勤惰勇怯奏聞。四十三年題准京營科道會同戎政大臣將隨營勳戚每歲較試二次。其弓矢策論習熟者附記在簿。遇有管中叅遊坐營缺。炤例酌量推補。未諳練者行戎政大臣督責戒飭。隆慶三年議准戎政大臣及巡視科道每歲終將帶俸送管觀操公侯伯從公保舉。以備坐管遊擊之選。三年酌量敘遷。一切禮體悉炤管中舊規。不許驕抗紊亂。及剝軍占役。萬曆元

此江陵
當國時
事

節律

卷之一

四

年議准皇親應襲不必隨營操練教練軍士律
騎卒必善馳射及鎗刀步兵必善弓弩及鎗凡
射十二箭內六箭遠可到近可中者爲試中遠
可到將士以一百六十步軍士以一百二十步
近可中以五十步凡射弩每用十二箭內五箭
遠可到蹶張以八十步划車以六十步凡用鎗
以進退習熟爲試中凡在京衛所每一衛以五
千人爲則內取一千人令所管指揮千百戶總
小旗領赴御前試驗餘以次輪班在外都司

衛所每衛五千內取一千人令千戶總小旗
領赴京師一體驗試餘次輪班其所試軍士
如騎卒騎射便熟善鎗刀步軍善弓弩及鎗者
所管指揮千百戶總小旗各以其能受賞不中
者降罰軍士中者受賞不中者亦給錢六百文
爲道里費指揮所管軍士一千人內三百人至
四百人不中者住俸四個月四百人至五百人
不中者住俸半年五百人至六百人不中者住
俸十個月六百人至七百人不中者住俸一年

七百人以上不中者指揮使遞降同知僉事至千戶千戶所管軍士一千人內二百人至四百人不中者住俸半年四百人不中者住俸一年六百人以上不中者降百戶百戶所管軍士一百人內二十人至四十人不中者住俸半年四十人至六十人不中者住俸一年六十人以上不中者降克總旗總旗所管五十人內二十五人以上不中小旗所管十人內五人以上不中者皆降爲軍在京衛所發廣西南寧

柳州守禦在外衛所北方者發極南烟瘴地方南方者發迤北極邊衛分守禦各都指揮使司所試軍士四分以上不中住俸一年六分以上不中者都指揮罷職十六年令天下衛所善射者十選其一於冬月農隙輪班赴京較試不中者罰其指揮千百戶中者賞鈔五錠連中者六錠中不及者三錠不中者亦給道里費各邊軍士就於本衛較射成化元年令大營提督官每月二次赴團營會操每年二月十五上操五月

在營操
練是實
法

自
卷之一
十五止。八月十五日上操。十一月十五日止。歇
操之日，仍十日一赴教場點視。弘治十七年，定
團營操法，每五日之內，二日走陣，三日演習武
藝。正德八年，奏准提督各營坐營并號頭等官，
於常操之後，俱令在營操練。嘉靖六年，奏准該
操之日，提督官、昭常大操三日，坐營官小操二
日。凡下營布陣，不必拘泥古法，止昭常用三疊
陣及四門方營，其武藝勿止。以弓箭爲長技，每
營選箭手、刀手、鎗手、牌手、銃手，各一二人爲教

師使轉相教習長短相衛其號令坐管官督各
管事官與衆軍士逐一講解使各通曉毋徒隨
衆呼喊虛應故事十三年奏准號頭千把總等
官督教一年之上戎政大臣會同兵部堂上官
試驗教成八分者會薦陞賞六分以下者奏請
罰治二十九年題准兵仗局將一應神器每件
書管司隊伍姓名如遇上操就令各軍神鎗等
手徑赴該局炤名給領仍給火藥馬子鉛彈赴
營從實射打住操之日送局交收如有炸破不

此制行
則人人
皆精兵
矣

堪者，告明看驗交繳，另鑄給用。又議准神樞神機二營，餘下將官十員，所統兵馬不足一枝之數。行總協大臣會同巡視科道將五軍營備兵，再行揀選，交與二營將官十員，每員領三千名，與先次選定將官二十員，共兵三十枝，用心操練，精勇者作爲先鋒。四十二年，議准通州新舊遊兵二枝，竝入京營操練。見在四千三百六十餘名內，止練三千名，設中軍官一員，千總官二員，把總官十二員，分爲十二司，每司軍二百五

十名仍付佐擊管束其餘悉歸備兵營令併入四十三年議准總協大臣每月以初一初八十五二十三日合操其餘二十六日各管將官分練各兵總協大臣及巡視科道不必同在一處隨意各入一營較閱賞罰又議准戰兵車二管中火器春秋兩季行工部發出責令軍士常用演放遇晚收於德勝安定二門庫內畢日送還該局又議准京營家丁俱令歸營操演仍擇其堪爲選鋒者方許給月糧一石脆弱者漸汰一

二、隆慶元年，議准三大營內弓箭鎗刀火器等藝，各擇精熟者立爲教師，上等每月加糧六斗，次等每月加糧三斗，教成全隊，給冠帶克名色把總一半者，給賞銀牌花紅，十數名者，姑准附過，全無教練者，重責革去，教師名糧，把總領二百五十人，千總領五百人，教練有成，卽當優薦聽補中軍號頭員缺，十分之五，從厚犒賞，十分之三，亦准附過，全無教練，卽行住俸，各營將領，但有全營教練者，加以都督僉事，若副將加以

都督同知若止教一千者從厚獎賞三分之一者炤常供職十分之二者重加罰治全無教練者降祖職一級革任回衛三年之內三營補練著有成效兵部議請將總協大臣請勅獎諭仍加恩錄如無功績巡視科道叅論兵部酌量教練分數并議黜罰又議准三營各將加丁挑選六枝住戎政府傍聽六副將統領訓練修理戎政廳東西二空宅爲總協大臣官署常川居住以便諸將就近稟承萬曆十三年題准春秋停

操月分舊例分爲四班進點今後歇操之月間
日止用二管進點不得仍前分爲四班往返奔
馳徒滋勞憊又調河南山東大寧都司中都雷
守司直隸淮揚等衛及宣府軍士至京操備令
每歲輪班往來原額春秋兩班官軍一十六萬
員名中都四萬一千九百六十員名河南一萬
四千六百四十九員名山東三萬二千六百一
員名大寧七萬七百九十員名正統十四年令
外衛輪班京操者前班三月還八月到後班八

月還次年三月到河南山東北直隸強壯官軍
皆隸前班成化十二年今輪操官軍有違限一
月之上者叅問其撥捕逃故等項違兩月之上
者解人連坐若軍士一班不到者罰班六箇月
軍兩班官一班不到者發居庸密雲山海關罰
班六箇月軍三班官兩班不到者發大同宣府
邊外罰班一年官三班不到者發邊衛罰班一
年半其補班月日各另扣筭俱先送法司問罪
畢日免其納鈔杖斷送回兵部發遣自首者止

問越關等罪，炤例補操罰班，免發邊衛。若見操在逃一次，至三次，應罰操者，比前例遞減一等。前項自首，及該班不到，并承批管解捏故軍職，俱不必叅奏。徑自送問。弘治元年，令都司衛所除軍政守城管操管運外，餘分兩班輪操。五年一代，週而復始。十一年題准官軍依期數足，聽兵部行巡撫衙門將掌印官量加獎勵。若違限及少軍，查例行巡按御史提問，仍監追軍完解部。獲有批迴，方許復職。十三年，奏准輪操官軍

逃在京城內外潛住者，初犯打七十，再犯打一
百，送操官旗無力納鈔者，就在原問衙門單衣
決打。若逃回原衛原籍者，以越關論逃。三次者
不分革前革後，各免決打納鈔。京衛調外衛，外
衛調邊衛，俱帶俸食糧差操。又令該操官員，故
行構訟，不肯赴操者，聽撫按官起解赴部發操。
如有抗拒，或挾私排陷者，調邊衛帶俸，其輪操
軍士沿途劫財殺傷人命，占奪車船，作踐田禾
等項，除真犯死罪外，徒罪以上，發邊外充軍。其

管操官不行鈴束。并故縱者。叅問調衛。正德六年。奏准各處地方災傷六分以上者。京操官軍先行放回。五分以下者。仍舊存操。嘉靖四年。議准官軍上班。有兵備去處。責成兵備無兵備去處。責成該道分巡。親臨督併起程。其月糧徵完。布政司佐二官一員。帶赴總會。便道都司佐貳官一員。帶軍冊候官軍到彼。唱名給散。十年議准。今後脫班不到官軍。俱自起程之日爲始。扣除俸糧還官。不許朦朧冒支。十七年議准各處

該班官軍若全衛通不赴操及不到七分以上者將親管指揮千百戶官鎖押送營比較其脫班官軍查點脫班次數送問完日照依轉發關邊罰班操守二十一年題准少軍衛所官員以十分爲率不到二分上行撫按官提問住俸五分以上將掌印官提解來京究治八分以上提問降級調發邊衛領班都司亦以十分爲率八分不完叅奏降用其不到官軍自文書到日限一箇月以裏驗補解營違者巡按御史先將

各兵備守巡查。叅其各該坐營等官私役賣放。兵部及提督科道訪實叅奏。二十三年議准。各該衛所領班官員五百名之上。以指揮領之。二百名之上。千戶領之。不及百名。總小旗領之。二十九年題准。凡班軍臨解之時。不行拘集齊足。唱名交付者。卽係各衛所掌印官故縱。各該守巡等官督責欠嚴。若照數唱名交付領班。劄付官都司管領起程。而復不到營者。卽係劄付官領班都司賣放。在京聽巡視京營科道舉劾叅。

送法司在外聽巡按御史叅奏提問。炤少軍分數問擬三十年議准大寧都司兩班官軍六萬餘名免其京操添設將官一十二員統領前去薊鎮防禦三十一年議准山東河南各添註僉事一員專理班務南直隸卽以穎上僉事兼管各請勅行事其餘事會同都司掌印官精選班軍點付領班都司押領赴京缺少違聽兵部撫按及巡視科道叅劾僉事免其赴京三十五年議准鳳陽山東河南不到班軍每名追銀三

兩六錢以備募夫之用。行中都、山東、河南撫按官，嚴行兵備都司，督責各衛所掌印官，清查原額。官軍督發赴班，有逃亾事故，卽將城操軍餘及衛所雜差人役暫行撥補，一面行清軍官着實勾補，務足原額。應支官糧及時支給，預支糧銀隨軍起解。以後少軍衛所掌印官三分以上問罪，住俸五分。以上問罪降一級。八分以上問罪降一級。調發別衛都司掌印官五分。以上叅問住俸八分。以上一體降級。皆以實在軍數爲

主逃亾者不在數內、如果炤數點發齊足、中途不到者、領班都司并劄付官、亦炤前都司衛所掌印官例行、如有受財賣放、賍多罪重者、仍炤律例問擬、俱聽戎政衙門叅行、兵部提解來京究問、四十一年、議准今後每軍止許存畱安家米兩箇月、其餘盡數差官解部、委司官督同領班都司給散、又議准班軍赴京、照例赴部點名、隨發各營收操、下班之日、亦聽部點放、各營將官不許擅自收放、差撥役占、凡行糧文冊、俱令

該管都司攢造送營給赴戶部關支內有逃故
查明扣除四十四年議准將班軍點完劄付解
官同赴撫按衙門掛號卽行不到官軍照例問
擬追銀解部班滿掣有營批兵部方給批迴隆
慶元年題准發河南山東班軍一萬二千名於
薊鎮防守脩邊二年議准三都司京操官軍督
令隨營操練仍咨工部并內官監今後遇有重
大工程必須會同兵部并戎政衙門議請酌量
撥給不得徑議撥用又議准上班官軍責令各

兵備與都司掌印官，拘各軍正身，審係精壯，將真正年貌，明白填註造冊四本，五人爲伍，設一伍長，五十人爲隊，設一隊長，互相覺察，內有年貌不對，及一人不到者，同伍及隊長俱以軍法連坐。萬曆元年議准，凡班軍缺額，領班都司催取名糧與劄付官，管領隨軍解部，每糧一分，卽准軍一名，通論分數，以行叅罰。其缺軍分數，在衛所原少，則炤例叅究。該都司衛所掌印官及守巡兵備，若在途在京脫逃，則專叅各劄付官。

此皆江
時當國
時事

及領班都司若有司徵解錢糧不前，或致班銀拖欠，聽撫按叅奏處治。又題准改山東河南領班官爲署都指揮僉事，中都領班官爲署副留守，與各司軍政僉書一體管事。每遇該班內輪一員領軍赴京操備，回日嚴督各衛所掌印官清查軍伍，又議准山東濟東兗三府境內衛所官軍邊操既屬秋班，京操俱併春班；青登萊三府境內衛所官軍邊操既屬春班，京操俱併秋班。二十四衛共省劄付官二十四員，又革去押

職軍免
隨工此
實實
行之何
軍不可
用

班軍入
衛入操
展

解官二十四員。裁革都司僉書一員。京操劄付
官。與在衛巡捕官。相輪。邊操千把總。與在衛管
操官。相輪。以均勞逸。八年題准班軍免其做工。
俱令著伍操練。工部將人匠班價等項。着實清
查整理。以濟工作之費。免致復用班軍。九年題
准訓練班軍。山東春秋兩班。分爲四營。領班都
司二員。河南秋班。仍爲一營。領班都司一員。中
都春秋兩班。分爲八營。領班留守四員。每營各
設中軍一員。千總二員。把總六員。上班之日。同

朝廷制
愈精密
矣奉行
者果能
實心任
之否

京營坐管官分練聽六副將統屬春班正月秋
班七月上班隨京營歇操放回休息其食補額
軍二分以上者錄一分者免究通無食補者
附過軍數減於前班者兵備留守都司等官分
別參治至選補成化十九年議准揀選在京七
十七衛官軍一等者送團營二等者送五軍等
營各練操弘治十八年題准差郎中一員會同
選軍科道弔取各衛食糧并賞賜文冊清查空
閒旗軍送各營操練嘉靖十六年議准今後送

驗軍士務要審實正身。其年二十以上，五十以下，年方精壯，送團營操備。如二十以下，五十以上，精力果憊者，方許驗入三大營老家。各該衛所官旗敢有故縱冒名，代替蒙蔽送驗者，審實驗軍主事從重參究。又令在京七十八衛所舊十七衛所新增募靖所，勾解告補軍丁，及在逃自首軍，惟蕃牧所、牧馬所、該所、涇、收、着、役、餘、七、十、六、衛、所、俱送驗軍主事審驗。長陵等八衛專護陵寢、騰驤等四衛專養御馬、監馬、四衛營及二十

四外馬房馬匹莫靖所專守本所城垣犧牲所
專養祭祀犧牲外其餘驗精壯者分送十二
管操練三十年議准行戎文武大臣會同巡
視科道并兵部驗軍主事清查京營老弱軍士
各帶應繼應替精壯戶下審驗明白卽與摘牌
替役又令在京衛所逃軍在兵部職方司首補
領給印信准令紙票隨赴兵部武庫司明報掛
號查原衛所勾軍未發立案已發行文原籍停
止每月終武庫司手本過職方司查理如有首

補過不報奸軍及在衛不自速行告補戶丁或
查訪得出或被入告發一體重治三十二年議
准行京營文武大臣挑選精兵四萬以二萬二
千屬五軍營一萬八千屬神樞神機營三十三
年議准兵部委司官一員會同巡視科道督同
副叅遊佐等官審驗各營正備兵將大小衛分
相兼搭配務令一衛專隸一營或多寡不齊務
將一所盡屬一營精壯者作爲正兵老弱者作
爲備兵以後遇有各衛告補及清解首逃軍役

及營操官舍聽驗軍主事悉炤編定營伍分撥
號頭等官查炤遵守。三十七年議准驗補新軍
清勾故絕俱要細查應補正身方許准行查取
結。各衛所不得扶同驗送。如或作弊該管指揮
千百戶連坐。四十二年議准劄委司官一員會
同科道督率各衛掌印官備將各營正兵及原
屬衛所每營每衛各攢造文冊一本管中據冊
稽查衛中憑冊支餉。後有逃亾事故卽行開報
在衛卽與住糧容隱者送問。又議准召募軍士

在營病故，或爲事住糧者，赴兵部告明病故者，以精壯親餘頂補爲事者，許其出首復役。議准。戎政大臣會同科道，每營挑選武藝精強者，列爲一等，秋操口糧增支六斗，武藝生疎，努力尚堪教習者，作爲二等，止支口糧三斗。四十四年，議准行總協大臣將軍兵內，除挽車銃射之外，其餘俱選作戰兵，仍於城守軍內擇精壯者，共足四枝，務使戰兵十枝，與車兵十枝相當。四十五年，議准京營城守十一營中，量併神樞第三

營兵分入十營之內。共車戰城守三十營。以
遵欽定三十營之制。其城守每營限二千名。
不足之數。催行清軍衙門勾補。官多兵少。其千
把總冗員。行總協巡視等官。選別去留。隆慶元
年。議准行各巡按御史。着落清軍官。從實勾軍
解部。先補戰兵。次及車兵。又次及城守。每營務
足三千。五年。議准行總協戎政大臣。查殫忠効
義三營。舊規將官舍餘下。從宜收補操軍。萬曆
元年。議准將改昭陵及掣去守衛各營。於分

屬衛所官舍軍餘內召補一體收糧入操八年
題准三營正兵缺伍炤摘牌事例選補每月一
次送部覆驗收糧操練九年議准解到新軍卽
時收伍但有舊軍應役卽係冒頂責治革退不
得將新軍發回聽繼以滋奸弊洪武中令京營
士馬之數按月開報景泰三年令營操軍士有
納賄買閑者御史訪察兵部委官分行點視赴
操過限三箇月者軍發邊衛官降三級終身守
邊天順八年差給事中御史各一員巡察各營

上操軍士成化三年令各營官軍糧冊每三年
兵部委官同科道官清查凡軍士有事故者每
季委官查勘三箇月一開報操官在逃者每月
類叅十九年題准今後給事中御史點閫官軍
炤舊明白赴營抽隊摘點如有不到追究下落
干礙坐營把總等官指實叅奏弘治六年奏准
兵部提督官會同該營總兵官通將各營號頭
炤依軍政事例從公考選年力精壯謀勇可取
者存留管事老病貪婪誤事害軍者黜退差操

另於聽缺并隨伍官員內推補，以後仍五年一次會考，十一年題准點開京營科道官，一年一換，不許別項推委，十七年題准各營號頭把總等官，有將操軍撥送權門私役五名以上，降一級，仍調外衛識字旗軍人役，改撥邊衛充軍。正德六年，以春秋初操二次閱視太密，奏准每三年一次，兵部奏請舉行。嘉靖元年，奏准三年一次，會官考驗團營官軍弓馬武藝，察其平昔賢否，分別等第，奏請去留。四年，令點營科道，并驗

軍委官備查團管官軍每營務足一萬之數今
後凡有興作不許擅便奏討坐營號頭把總等
官仍要加意撫恤有私自影射及額外役占俱
退出原伍差操違犯者科道官指實叅奏從重
究治二十八年議准三大營官員除三千營隨
駕執事五軍營內圍手神機營內五千下各
係上直其餘把總等官五軍營三十九員革一
十二員神機營五十六員革一十四員以後坐
營官缺兵部推舉或將見在別營官員事務簡

者量爲兼領其把總官員查紹舊例每軍二百五十名方設一員如遇員缺提督文臣會同該營提督巡視科道等官選補俱務在得人不必拘泥原額二十九年題准點視科道仍一年一換復命之日舉劾大小將領仍差兵部司官分投點視三十一年議准每年防秋畢日聽京營科道將在營將領從實舉劾兵部會同戎政大臣考察去開四十三年議將京營將領每遇年終科道復命之時戎政大臣會同考閱一次以

定減否、兵部官不得干預、其正當閱視之年、歲終免其重閱、四十四年、議准三大營號頭千把總等官不職、許總協大臣不時叅革、果有勉修職業者、每半年一次、開具送部、某人堪任邊方、某人堪任本營、以憑酌用、巡視科道差滿之日、亦要一體保薦、隆慶三年、議准秋操之期、戎政大臣及巡視科道將各營官軍家丁師範如法考閱、下等者軍士炤常發落、家丁師範革糧、一石隨操、甚則革除名糧、就於上等軍士、挨補、以

後年分炤例考閱互相陞降三考上等改充管
隊五考上等炤邊方效勞年久事例給與冠帶
四年議准秋操歇日提督大臣會同巡視科道
將各副將以下至把總管隊隨伍等官大加閱
視具奏萬曆四年議准該營千把總員缺總協
大臣今後查巡視科道疏薦者酌量題請充補
未經疏薦者不得濫用又議准今後京營將領
年資果深與才堪邊鎮者與邊將相兼推用或
才不宜邊鎮歷一任至六七年者聽總協大臣

查其才識卓越，操履無虧者，指實具奏。兵部題請加恩，而各鎮分例。薊鎮設大寧都司，營州等衛與遼東宣府東西并建爲外邊。又起古北口至山海關，增修關隘爲內邊。永樂間移大寧都司於保定，散置營州等衛於順天之境，以其地處兀良哈降夷分置朶顏、泰寧、福餘三衛。每年朝貢互市，永爲藩籬。自後部落日蕃，夷情譎詐，往往爲北虜嚮道。嘉靖中虜入古北口，徑薄京城。薊始爲重鎮，設總督將領，調各鎮兵入衛。

修築牆臺、春秋防守、視他邊特嚴。城堡二百八十五座、空心敵臺一千二百四十座、潮河川大橋一座、昌平城堡二十八座、空心敵臺二百五十餘座、守邊墩臺一百六十九座、嘉靖三十四年、議准居庸裏口、如橫嶺、鎮邊、大石嶺、唐兒巷等處、或原無邊牆、或有牆不固者、皆令修築防守。隆慶二年、題准薊昌二鎮、分爲十二路、將邊牆稍加厚、二面皆設垛口、七八十垛、間下穿小門、曲突而上、其緩者計百步、衝者五十步、或三

十步卽築一墩臺視邊牆高一倍廣十二丈內容五十人共築一千五百座令邊軍哨守萬曆元年題准灤河以東居庸叭及松棚諸路再增臺二百座又議准曹家寨臺地跨山橫

築內城守叭七臺四年題准薊昌二鎮應修邊牆九十餘里添築墩臺五百座官軍三萬九千三百三十九員名見額三萬一千六百五十八員名馬一萬七百匹見額六千三百九十九匹密雲官軍九千六百五員名見額三萬三千五

其入衛有馬者每名徵工食銀十二兩無馬者
每名徵工食銀七兩每年共銀二萬六千兩解
赴薊鎮爲造軍器犒軍士之用又令山東河南
將民兵工食每名增銀二兩連原額解赴薊遼
軍門查給各官家丁和糧隆慶三年題准長
陵等衛防守黃花鎮官軍一千名今後秋班八
月初一日上邊至次年四月終下班春班二
月初一日上邊至本年十月終下班每年上邊九
箇月休息三箇月四月題准大寧都司班軍戍

薊鎮者春班九千一十三名秋班一萬三千九十一名添領班都司三員共七員萬曆元年題准大寧山東河南都司班軍戍薊者有一衛分春秋兩班亦有分隸各都下今各歸併每衛兵隸一都司下定爲春班或秋班撤防之日各都司據營統領到該駐劄地方雙月操練各該巡撫兵備間亦閱操其都司亦量撥軍伴應值上班之期撫道稽查催督如出征例二年議准宣大遼東入衛官軍春防限二月末旬到薊防

春畢日不必撤放，通留過夏，聽派隘口，以防不虞。十月終卽先撤放，其遲到半月，早放半月，糧料抵留過夏之費。四年議定，遵化民兵一千五百名，每名徵銀一十二兩，共一萬八千兩，解兵備道充餉。山東民兵一枝，內馬兵一千名，每名一匹，徵銀二十四兩，步兵二千，每一名徵銀一十六兩，共五萬六千兩，解薊鎮充餉。遼東入衛民兵三千名，止發二千五百名，赴薊鎮分布。其五百名留寧前防守。遼東孤懸千里，國初廢

遼疆歷
來布置
盡法一
日渝成
異域法
未備耶
人未得
耶其靈
壞絲來
難言之
矣

自往

卷之十一

三

郡縣置衛所，以防虜寇。獨於遼陽開原，設自在安樂二州。處降夷，東北則女直，建州毛憐等衛。西北則朶顏、福餘、泰寧三衛。分地授官，通貢互市。寇盜亦少。嘉靖間，虜入大得利去，遂剽掠無時。邊人不得耕牧，城堡空虛，兵馬彫耗，戰守之難，十倍他鎮矣。城堡二百七十九座，空心敵臺三十一座，邊腹敵臺九十座，墩臺二千七百一十座。嘉靖四十一年，議修路河，以阻虜騎。四十一年，令改新江沿臺堡於舊江沿地方，設官備

樂兼轄湯站、鳳凰鎮等堡，以扼短錯江之隘。與
穀陽東西兩翼，共成犄角之勢。隆慶五年，題准
置造各城堡，四面懸樓千數座，萬曆二年，題准
造空心敵臺，兩臺之間，用磚與亂石爲牆，臺牆
相連，以便固守。四年，題准定遼右衛，原設於遼
陽，後因險山設叅將，改建於鳳凰鎮，設倉建學。
今展拓寬奠六堡，移駐叅將衛治倉學俱遷寬
奠，就近管轄兵馬官軍九萬四千六百九十三
員，名實在八萬三千三百四十員，名馬七萬七

千一匹見額馬驢四萬一千八百三十四匹頭各營抽選三千名入衛其寧前新設遊兵仍令防守本處疏通薊遼二鎮咽喉之路凡遼東軍有投匿薊鎮爲家丁者盡數查出發回不許將領容隱隆慶四年題准暫免遼東叅將領兵入衛以廣寧右營兵代之以後遞年更番萬曆元年題准遼東寧前中前所孤危尤甚將入衛遊擊兵馬除前畱五百名外再畱三百名仍於密雲標下遼兵一千名內量撤二百名共湊一千名

保定

之數令中前所遊擊統領操練以備戰守五年
題准遼東入衛兵留寧前防工將真定標營一
枝代遼入衛保定自紫荆西抵故關脩築以備
虜在保定境內永樂中移大寧都司於此然以
宣大山西爲外蔽虜患稍緩正統己巳之變嘗
遣京營兵駐守諸關隘尋罷弘治正德以後漸
設叅將副總兵分守至嘉靖中改副總兵分守
爲鎮守已改設鎮守總兵統制三關大寧都司
附近衛所俱隸之環翼京師城堡見存邊城一

百三十一座、城堡十六座、空心敵臺三百五十九座、舊敵臺二百九十一座、墩臺七百五十七座、嘉靖二十二年題准於倒馬、龍泉、故關等處增置墩臺、使烽火相望、萬曆元年題准馬水口、紫荊倒馬等關地方、建空心敵臺三百五十六座、兵馬官軍二萬九千三百八員名、見額三萬四千六百九十七員名、馬一千一百九十九匹、見額馬驢四千七百九十一匹、頭一達軍、嘉靖三十一年題准達軍生齒日繁、驕悍成風、又有

宣府

無藉竄籍，躲差冒糧，令各兵備嚴行查選。在保定者，責達官都司管領，河間等衛各委達官指揮管領訓練，鈴束聽調。一應頂冒人役，通行革回。隆慶二年，改各達官軍舍爲忠順官軍。宣府國初逐虜漠北，卽元上都設開平衛守之。置八驛，東接大寧，西接獨石。邊境無事，後以大寧界虜興和亦廢，開平孤立難守。宣德中，乃移衛於獨石。土木之變，獨石八城皆破，旋亦收復。雖地勢險狹，舊稱易守，然去京師不四百里，迫近

丙子秋
虜犯

陵寢破

昌平從

宜存邊

間道入

馬水口

陵寢實肩背重地。近年以虜款邊境稍寧，兵馬
墩牆始漸次整飭也。城堡嘉靖二十八年，令宣
府東路起四海冶鎮南墩，西至永寧盡界，北路
起滴水崖而北而東而南至龍門城盡界，爲邊
凡七百里，創脩石牆，添設墩臺四十二。年題准
四海冶迤南渤海所迤北建墩防守。隆慶元年
題准宜大挑修邊濠，蓋造管房，砌欄石馬管二
城二年，題准宜府北路龍門所自盤道墩起，迄
靖胡堡大衙口止，建設外邊一道，蓋以墩臺東

大同

北二路有徑道。互相應援。且拓地百里。以資屯
牧。見存城堡七十一座。兵馬官軍一十五萬一
千四百五十二員名。見額七萬九千二百五十
八員名。馬五萬五千二百七十四匹。見額馬駝
羸驢三萬三千一百四十七匹頭。入衛兵本鎮
官軍每年二千五百員名入衛。大同大同川原
平衍。尤當虜衝。國初於鎮城外分東中西三
路。北設大邊二邊。遠近聯絡。歲久多圯。不能捍
虜騎。遂棄不守。二邊以內。殆爲虜巢。大同勢益

急嘉靖中，雖再更兵變，而五堡竟成，備禦亦少固焉。城堡六十四座，敵臺八十九座，墩臺七百八十八座。嘉靖二十七年，令創修大同緊要邊牆，其原有牆該幫修者，每年借用防秋兵力，於行糧外量給鹽菜犒賞，不必另議支費。三十二年議准大同邊牆通賊衝口一百五十餘處，添造空心磚臺三百座。隆慶三年題准大同原設大邊二邊三邊近來大邊盡廢，該鎮總督鎮巡嚴督各叅將守操等官幫築沿邊墩臺，上蓋墩

房多備火器鐵鍋甕薪水每墩撥精壯軍十名
防守每十墩設提督官一員點查如有夾帶私
貨失悞傳報依律問罪私下墩臺者監瞭官拿
問枷號逃回私家四隣不首者一體連坐一兵
馬馬步官軍一十三萬五千七百七十八員名
見額八萬五千三百一十一員名馬羸驢五萬
一千六百五十四匹頭見額三萬五千八百七
十匹頭入衛兵嘉靖三十年題准大同兵馬四
枝每年輪流二枝入衛萬曆三年題准畱一枝

山西

暫免入衛山西在諸鎮稍稱內地國初屯戍

要害虜住牧尚遠外藉大同爲藩籬內恃三關
爲屏蔽素少邊患嘉靖中虜寇大原始改副總
兵爲總兵鎮守治徧關尋移治寧武隆慶初虜
陷石州屠掠尤慘防禦益急城堡嘉靖三十一
年令偏老邊牆下再添築四堡萬曆三年題准
山西三關惟偏老沿邊地方自蕨萊茆起至老
牛灣止邊長一百一里有零添設磚包空心樓
一十五座實心樓一十五座土築敵臺二百一

東勝
守河東
河守牆
地日蹙
虜日迫

十六座仍通修邊牆務高堅如法堪以拒守見存城堡墩臺隘口并空心敵臺三千七百一十一處兵馬官軍二萬五千二百八十七員各見額五萬五千二百九十五員名馬驢六千五百五十一匹頭見額二萬四千七百六十四匹頭延綏國初築東勝等城戍守河外正統間失東勝退守黃河後以虜入套內又棄河守牆鎮城舊在綏德捐米脂魚河等地於外幾三百里成化中徙鎮榆林堡東起黃甫川西至定邊營

師律

卷之一下

兵制

三

千二百餘里。聯墩勾堡，橫截河套之口，遂稱雄鎮。但鎮城不產五穀，芻糧皆仰給腹裏，饋餉不足。而連年調遣入衛，兵力弱矣。城堡嘉靖二十二年，題准延綏逼隣套虜，添定邊寧塞二堡，修築邊牆。四十三年，令榆林西北古梁易馬二城，增修城堡。又令鎮城硬地梁一帶小邊柳河梁各處地方，添設城堡，以嚴防護。隆慶元年，題准延慶地方，東有黃草塢，小滴溜，石人坪，西有蘆關嶺，龍安集，靖邊龍尾嘴，化字倉，寧塞，吳旗營。

俱係通賊要路通行及時修築仍於蘆關嶺敷
政巡簡司城內置蓋營房百餘間給軍防秋住
守又題准榆林鎮邊牆自石峽墩迤東至常樂
地界一帶及鎮城東西北三面外邏城垣俱分
投修築三年題准修築延綏鎮沿邊東起黃甫
川邊牆及鎮城迤西至長樂二十里通以五年
爲限萬曆二年題准延綏墩臺一墩止軍一名
不能固守邊內險阻可建墩院者仍行增築又
於十里之間酌量緩急以爲寨城又題准修建

延綏一鎮三段邊牆六百七十一里墩臺七十
五座墩院八座寨城七座石砌大川河口一處
土築大川河口四處石砌河口水洞連臺一座
石券關門一座石砌并土築溝口一十七處磚
石券砌大小水洞關門八十三處水口四十五
處水眼五十一處水道四百二十五處三年題
准延綏榆林神木定邊靖邊四道築空心敵臺
見存城垣六十二座民寨堡城一百四十九座
塞城五十五座空心敵臺二百三十九座敵臺

一百一十六座。墩臺一千三百一十六座。兵馬官軍八萬一百九十六員名。見額五萬三千二百五十四員名。馬四萬五千九百四十四匹。見額馬羸三萬二千一百三十三匹。頭入衛兵嘉靖四十五年議准延綏輪更入衛遊兵四枝。每枝止發二千七百名。其餘三百存留本鎮。仍准添募遊兵一枝。萬曆十一年題准延綏標兵減撤一千八百名。永免入衛。十三年題准延綏鎮備禦陝西西安并潼關蒲州各衛所班軍暫免遠

第五 戍徵銀解邊寧夏 國初置寧夏等五衛西北

據賀蘭山東南帶黃河內有漢唐二渠險固饒沃成化以前虜常犯河西自虜入套河東三百里皆設備。迺年修治牆塹。正德間有外邊嘉靖以來增築內邊而清水興武花馬池定邊各營尤稱要害。城堡成化十五年題准寧夏東路沿河一帶未築邊牆一百九十餘里與西路紫草等項疊砌舊牆六十餘里俱係緊關地方行鎮巡等官查昭軍三民七起夫修築弘治三年題

准寧夏中衛莊浪分界處所，窰洞兒水頭，接連
架子山尾石峽口，修築土牆山崖，關牆水，嘉
靖九年題准寧夏花馬池，延綏定邊營，相接地
方，挑挖濠塹，防護鹽池，已成六十餘里，其花馬
池西至橫城堡，共計一百六十六里，通行挑挖，
東南自定邊營大山口起，西北至寧夏黃河止，
中間平漫之地，皆挖溝築壘，使虜不得長驅，定
邊營一帶，每里築一墩，花馬池一帶，量地遠近，
立墩，每墩蓋鋪房一座，以爲守軍棲止，十九年

題准鎮遠關與黑山營俱險要地方打磴口在鎮遠關內係通賊要路修築完備以防山後之賊又以臨山堡沙土草茅不生人難防守改築墩臺撥軍守哨二十三年題准寧夏沿邊自花馬池及安定諸堡至橫山止長亘二百餘里添築敵臺二百六十三座萬曆二年題准修築寧夏鎮城及平虜城迤北長城邊牆二千餘丈於中衛舊勝金關築關蓋房附近夷廠牆裏建堡築墩屯兵集貨以防他虞就設公館爲監市各

官樓止之所見存營堡城九十四座關城六座
敵臺三十五座墩臺五百三十四座關隘三十
三座兵馬馬步官軍七萬一千六百九十三員
名見額二萬七千九百三十四員名馬二萬二
千一百八十二匹見額一萬四千六百五十七
匹入衛兵嘉靖三十九年題准寧夏二枝兵馬
輪班入衛蘄鎮比固原三枝輪番者勞佚不均
炤固原例再選一枝輪流入衛又題准寧夏原
額兵馬不多應將原調應援莊浪奇兵盡數掣

寧夏去
薊鎮甚
遠此免
調大得
法

回該鎮休息不敷之數仍於各營兵馬內轉足
三千與原選遊兵二枝分作三班輪流入衛以
均勞逸如甘肅聲息重大軍門令議別兵調遣
以後隣鎮有警不許輒調萬曆八年題准薊鎮
募土兵三千寧夏二枝自九年起永免入衛固
原在寧夏之南成化以前套虜未熾獨靖虜一
面備胡固安會之區號爲無事自弘治中火篩
入掠後遂當虜衝始卽州治爲鎮城以固靖甘
蘭四衛隸之設總督總兵叅遊等官東顧榆林

甘肅

西顧甘肅。與寧夏爲唇齒。稱巨鎮。云城堡八百八十五座。戰敵等臺八百二十座。護城堡墩敵角臺四千一十座。兵馬官軍一十二萬六千九百一十九員名。見額九萬四百一十二員名。馬羸牛三萬二千二百五十四頭隻。見額三萬三千八百四十二匹頭隻。甘肅卽漢西河四郡地。國初下河西。棄燉煌。畫嘉峪關爲界。隸莊浪迤南三百餘里。爲湟中地。今置西寧衛。隸涼州迤北二百餘里。爲姑臧地。今置鎮番衛。又設甘州。

等五衛於張掖肅州衛於酒泉蘭州衛於金城皆屯兵拒守全鎮之地幾二千里惟一線通西遼西域南蔽羗戎北捍胡虜稱孤懸重鎮云自虜款以來常假道掠番人攻瓦剌穿塞出入防禦稱難矣城堡嘉靖四十一年題准西南寺與靖邊南山添築墩臺紅城子關設水門平川北改築邊牆四十五年題准古浪山後築堡一座募軍防守隆慶元年題准於山丹等處一帶臨邊地方修築墩臺見存城垣堡寨四百九十五

座關隘一百四處兵馬官軍九萬一千五百七十一員名見額四萬六千九百一員名馬二萬九千三百一十八匹見額馬廐二萬一千六百六十四匹頭四川松潘威茂介在番虜建昌等衛控制西南夷俱稱邊徼近年平都蠻置建武所設總兵坐鎮諸路官兵皆屬焉城堡正統九年題准設松潘南先結溝等處平夷靖虜三堡各撥官軍二百五十人守之鎮守都指揮二員輪月提督巡視萬曆二年題准改都蠻九絲城爲

雲南

平蠻城、凌霄城爲拱極城，印靶山爲文印山，弔
猴山爲降蠻山，雞冠嶺爲金雞嶺，內官寨爲武
寧山，都都寨爲都定寨，其戎縣改名興文縣，兵
馬官軍一萬四千八百二十二員名，見額一萬
八百九十七員名，馬軍一千四百八十九員名，
步軍九千四百零八員名，雲南民夷雜居，國
初，置麻外設宣慰等司爲藩蔽，正統間，麓川
用兵，嘉靖中，元江武定亂，皆久而後定，近年緬
甸內侵，永昌騰衝尤稱要害云，城堡隆慶元年

貴州

題准增修嵩明、晉寧、安寧三州城。五年修葺徵江、廣西二府土城兵馬。漢土官軍六萬三千九百二十三員名，見在六萬二千五百九十三員名。貴州國初置貴州宣慰使司，隸於四川，以通滇南之道。永樂間討平田酋，始設專藩。山箐峭密，蠻夷多熒。嘉靖間銅鎮苗攻破思州石阡郡城，官軍夾剿久之方定。其後防禦益備焉。城堡隆慶二年題准將程番府改入貴州省，成名貴陽府。其湖廣、沅靖、平溪等州衛，四川酉陽播

廣西

州永寧三土司。炤舊專屬川湖統轄。仍聽貴州節制。調遣兵馬。見額官軍民兵二萬八千三百五十五員名。馬軍二千三百八十二名。步軍二萬二千三十六名。廣西國初因廣西兩江土官納款。子世襲。以羈縻之。其境內谿崗。猺獞。僚蠻諸種。以千數。每出沒流毒。景泰以前。常用鵬剿。其後與廣東寇合。始設兩廣總督。治梧州。成化嘉靖間。耳剿藤峽。及八寨。隆慶間。平古田。每匪從後。建治立屯。寇少寧息。然遺種蔓延。旋復。

猖獗調兵分成未嘗解嚴城堡隆慶四年題准將古田桐木富祿常安三鎮改爲土巡簡司每鎮畱大鎮士官弟男一人選帶目兵住守其地古田縣改爲永寧州仍立守禦千戶所請給印信改撥貴林中衛千戶一員百戶二員統軍哨守萬曆八年議准八寨旣平以周安古邛爲一鎮思吉古鉢羅墨爲一鎮都者古蓬剝爲一鎮卽推擇土人頭目各統土巡簡移家世守其上林縣循業里撫安里古城里切近賊區爲八寨

湖廣

門戶。今改爲龍哈哱咳寨。將該路叅將移駐三里地方控制。增築龍哈哱咳二堡。又南丹衛八所。并移於三里。兵馬官軍一十二萬一千二百八十九員名。見在操募二萬五千八百五十四名。見額官軍一萬三千九十七員名。馬軍八百二十五名。步軍一萬二千二百七十五名。湖廣湖廣幅員最大。如鄖襄跨河陝。德黃接安慶。荆控巴蜀。辰菽雲貴。郴桂通廣東。皆多盜之區。永州寶慶。苗夷密邇。故數郡兵防加慎焉。成化間。

以環鄖山谷多流民大盜屢發始專設鄖陽撫臣兼制三省城堡嘉靖二十六年題准保康縣望夫山原係截山小路川陝相通盜賊不時出沒築堡設所撥軍戍守三十四年題准五寨長官司係湖廣接壤麻陽乾州適中之地東有密峰西有牛坳脚爲諸苗出入咽喉令麻陽叅將移入駐劄仍於密峰牛坳脚二處各立哨堡防守隆慶四年題准郴州宜章縣香口嶺僻居邊陲接壤兩廣搖苗雜處不時侵犯建城垣一座

添設衙門。每年衡永二府輪委同知一員統領
民兵。在彼駐鎮。防禦盜賊。督收錢糧。如或同知
員缺。卽委通判推官代理。萬曆元年題准。襄陽
府光化縣治。逼臨漢江。城垣半圯。移建於去縣
三里之北集街。四年題准。瀏陽縣之大圍山。平
江縣之連雲山。俱谿徑縈迴。密邇盧源。諸崗盜
賊。往往逋逃。其中梅子圍。逼近大圍山。金鋪觀
及連雲賊。必經之地。將瞿家寨。巡簡司。移駐梅
子圍。添設一堡於大圍山附近。所在用把總一

員備禦添設一小堡於金鋪觀撥岳州衛指揮一員哨守悉聽本總節制兵馬見額官軍六萬八千八百二十九員名廣東內連五嶺外濱大海潮惠通甌閩高廉嚮交桂雷瓊逼黎蠻廣州之龍門增城諸邑皆爲盜藪嘉靖間自海島入犯者爲倭賊出沒海洋者海賊據村崗者爲猺賊嘯聚山谷者爲山賊流劫無定者爲浪賊漁戶竊珠池者爲蟹賊縱橫殺掠地方騷然自羅旁大征之後備禦益詳密矣城堡嘉靖四十五

年題准廣東扼塞要害在東洋有拓林碣石南頭在西洋有白沙港烏兔白鴿門六處皆立寨增兵增船統以將官無事則會哨巡緝有警則互相策應務以擊賊外洋爲上功近港次之如信地不守見賊不擊俱坐罪重治隆慶四年題准馬耳澳乃潮郡外戶設水寨一所與柘林相犄角碣石與馬耳會哨於甲子馬耳與柘林會哨於南澳保障潮陽澄海揭陽海陽地方萬曆五年題准羅旁東西兩山週遭千五百里田地

饒沃且有藤蠟諸利將瀧水縣改爲羅定州徑隸廣東布政司黃姜崗大崗二處各築營城一座各屯兵一千選委指揮充爲把總駐劄許其便宜撫剿各統地方通屬管轄其南鄉富霖封門函口四處各立一所卽地立名請給印信各築所城一座以備防守兵馬額數旗軍實在二萬九千九百四十七名召募官兵三萬五千二百六十八員名兵船隆慶二年題准廣東六處水寨額數船隻通行查理缺者處補壞者修治

一切刷虜商船盡行放免每歲終海道副使點驗係風波損壞者動支官錢修飭係兵將損壞者責令各役陪賞四年令東莞新會兩縣勸諭大戶仍造烏艚巨艦聽募本地壯兵分作四班於南頭馬耳柘林等處防禦南直國初定鼎南直金陵簡長江爲天險然江洋巨盜時有出沒始設操江巡江等官其沿海州縣洪武間時有倭警常遣兵戍守至嘉靖中倭寇猖獗於是增將增兵畿甸之間若備邊矣兵馬江南北所屬額

設官軍一十萬二千一百六十七員名。名募募
兵七千一百四十九名。嘉靖三十八年題准募
松常鎮四府所屬州縣二百里以上者。論主
三百名。二百里以下者。二百名。每名給銀十二
兩。或均徭編派。或各里朋出。送海道兵備管束
團練。又令添設遊兵一千五百名。令南京都督
統領駕沙快船往來浙西松江京口護衛糧船。
隆慶二年題准中軍都司把總部下留兵七百
二十五名。并常鎮二府健勇三百一十二名。常

川操演以備緩急。三江會口把總部下留兵四百名。圖山把總留兵三百名。儀真守備留兵二百名。安慶守備留兵一百二十名。見存主客軍兵。不分汛期。汛畢日給銀三分。卽將江南江北十八府州軍餉銀兩。并應天巡撫協濟丁田銀兩。應天廬淮等府州縣健勇鄉兵等項銀兩。通資應天鳳陽各該巡撫衙門。俱免編派。每歲所需。通共徵銀二萬七千六百五十七兩六錢。永爲定額。四年題准蘇松常三府有水哨陸哨。客

浙江

兵家兵并土著等項七千七百五十四名。照舊容留分布防禦。又陸續調撥各處軍餘民壯以補革退軍數。總計水陸食糧官兵一萬五百六十五員名。又汛時年例各該兵船添募貼駕各沙土兵八千二十二名。亦照舊存留分布。萬曆元年題准圖山三江二總控禦海口。復原額各總八百之數。前項軍餘俱掣赴鎮江操演。與京軍更番防禦。瓜洲驍勇脚兵。精選四百名。一併操備。浙江瀕海故多倭患。嘉靖間茶毒東南久

而後定。自是增兵置將。各據要地。以定海爲倭船所從入。特宿重兵。省城營兵分番防汛。海防之重。自此始。兵馬兵壯一十三萬。一百八十八員名。見在七萬八千六十二員名。隆慶四年。題准浙江通省額設民壯一萬六千二百九十名。除留四千二百二十一名。看守各府州縣城池庫獄外。其一萬二千六十九名。自隆慶四年爲始。徵收工食。挑選精壯之人。每名日給銀三分。設立隊伍。整頓器械。在杭湖嚴紹寧台溫七府。

江西

每府分派一總在嘉金衢處四府每府分派二
總聽各該總叅都司把總官與軍兵合營操練
江西當吳楚之交鄱陽之寇出沒不常贛州諸
山尤爲寇藪逞逞藉外兵成化間藉福建嘉靖
間藉浙江今廣東福建湖廣各以其卒戍守而
萬曆初令各道團練鄉兵武備稍飭焉兵馬原
額正軍三萬九千八百九十三名見在旗軍餘
丁二萬八百四十八名南贛所轄江西官軍九
千一百四十八員名福建官軍八千一百七十

一員名廣東官軍八百二十九員名湖廣官軍一千九百二十八員名萬曆二年議准行各道督同府縣掌印官建立操所將各縣鄉兵每於農隙之際冬季自十月初一日起至十一月終止春季自正月初十日起至二月終止嚴加團練每季終聽各掌印調集操演福建福建濱海其民資番舶之利遂引倭寇入掠故遁番下海之禁最嚴然莫能止汀漳山谷與贛相連又多盜防剿每藉客兵嘉靖間始置大帥練民壯減

山東

近因奴

孽及孔

耿之變

登鎮萊

府沿海

要區增

兵增餉

防費凡

不貲矣

客兵兵馬原額兵一十二萬五千三百八十一員名見在三萬八千四百七十五員名山東故燕他警惟官軍分兩班輪赴京操後沂州有礦盜登州有島賊乃編募民兵壯快義勇嘉靖間選其精銳分二營於濟德後以三千防薊鎮近年復免上邊徵銀濟餉云兵馬原額官軍四萬三千六百三十一員名直隸沂莒二衛改屬班軍二千二百一十七名

師律卷之一下

終